

"Sannicolaas, please corda riba mi" ...

Awe ta net 15 aña cu Edjean a lansa su prome exito di fin di aña

ORANJESTAD - Tabata riba un 20 di November na aña 1994 cu Edjean Semeleer a lansa su cancion di fin di aña. E tempo ey na canal 90 den e programa tan popular "Na Drempel di Fin di Aña" di Erin Croes.

E composicion di e aña ey tabata di Juni de Freitas, y e areglo y musicalisacion den man di Hildward Croes. Esey kiernen cu Hildward tambe tin 15 aña trahando cu Edjean, ya cu desde 1994, ta riba masha hopi produccion Hildward y Edjean a traha hunto, specialmente pa e temporada di fin di aña. Hildward tambe ta director musical di mayoria concierto cu Edjean presenta.


"Sannicolaas, please corda riba mi" di biah a bira un cancion masha gusta pa e contenido y e sonido diferente

cu e tabata tin. Tur hende por corda Edjean den su "liki liki" blanco, dunando diferente presentacionnan memorable rond di Aruba, hortando curazon cu e cancion melancolico aki.

Pues, desde 1994 Edjean a bira masha popular pa e temporada di fin di aña, presentando ya for di e aña ey, un cancion Navideño tur aña.

Por menciona un gran cantidad manera "Un Ruego" cu a sigui na 1995, "Su Bendicion", "Na porta di bo cas", "Ta Navidad", "Bo no ta bo so", "Den Paranda", "E Bus di Alegria", "Yen di Energia", "Paranda le lala", "Na pia", "E parand'i Alegria" y e exito mas recien cu ta "Gosadera".

Ta na 2003 e proyecto



"Hey... ta Pasco!" a nace y ta wordo presenta te cu awe, y el a bira sigur e proyecto musical mas grandi y popular cu un artista local ta presenta.

Un cantidad inmenso di fanatico ta spera ansiosamente tur aña pa e album musical

y tambe riba e concierto, pa asina nan por wordo entretene y disfruta di un variacion musical excelente.

E CD mas nobo di "Hey... ta Pasco!" ta riba mercado desde 20 di October y e gran concierto lo wordo presenta dia 18 di December den

Renaissance Convention Center. Si abo tambe ta un gran fanatico di Edjean Semeleer y su "Hey... ta Pasco!", bo no por keda sin busca bo produccion of bo ticket pa e gran concierto pa disfruta di bon musica y apoya un hoben talento local.

